



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

XVI. Gebrüder von Bredow verkaufen dem Domcapitel zu Brandenburg eine jährliche Rente an Gelde aus dem Dorfe Tremmen, am 10. Juli 1380.

[urn:nbn:de:hbz:466:1-54581](https://nbn-resolving.org/urn:nbn:de:hbz:466:1-54581)

brudern, vnd irer aller rechten erben alle irr rechtigkeit, freyheit, gude gewonheit vnd alle ere lehen erbe vnd guter vnd auch alle ire Brieffe vber ire Lehen, eygen, erbe, pantſchap vnd gutter, vber ire freyheit, rechtigkeit vnd vber ire gutte gewonheit, die ſie hebben von allen vnfern vorſarn Furſten vnd Furfſtinnen, ſtete vnd gantz zuhalten vnd die in nicht tu engende noch tu ergernde, ſunder allerlei argeliſt, mit vrkund diſ briefs verſiegelt mit vnfern anhangenden Inſiegeln geben zu Strausberg, nach Chriſti geburt Dreyzehen hundert Jare, darnach in den drey vnd ſiebentzigſten Jare, an ſancte Joannis tage decollacionis, vnſer des vorgenanten kayſer karl Reiche in den acht vnd tzwentzigſten vnd des keyferthumbs in den Nengentzenden Jare, vnd vnſers obgenanten kunig Wentzelaus kunigreichs in den eilften Jaren.

De mandato domini Imperatoris Nicolaus Cam. prepositus.

Aus Seidel's handschriftlicher Urkunden-Sammlung 42, fol. 83.

XV. Margarethe von Bredow giebt ein Leibgedinge zu Roſchow auf, am 15. Aug. 1376.

Margareta, Mathias Tochter van Bredow, dye bekent in deſſem open Brive, dat ſye hefft vorlaten teyn Punt Geldes in dem Dorpe tu Roſchow, dye ire gelegen weren tu irme Lyve, dye hefft ſie vorlaten up Lambrechtis Scroders behuff unde ſiner rechten Erven. Dat hefft ſie gedan myd guden beraden Mude unde myd guden Willen. Dat diſſe vorgeſcreven Stucke gededinget ſien myd guden Willen unde myd beradenen Mude von iren Brudern und von iren Vrunden, to eynem Tuge, ſo iſt dar over gewest Her Frederick van Byier unde Gerhart ſin Broder, Hinrich van Krochern unde Bruning van Hakenberghe unde Tyle Zelchowe unde Kote van Markowe unde dar tu vele guder bederver Lude, dye woll war ſpreken moghen. Dat wie alle diſſe vorgeſcreven Dyng ſiede unde gantze halden willen, des hebbe wie Matthias, Wilken, Bertram unde Wichart geheyten van Bredowe, unſer Ingeſegel an deſſen Briſſ hengen laten, dye gegeben is nach Gots Gebort dritteynhundert Jare in dem ſes unde ſeventigſten Jare, an unſer Vrowe Daghe Wortmiſſe.

Nach dem Originale im Domarchive zu Brandenburg.

XVI. Gebrüder von Bredow verkaufen dem Domcapitel zu Brandenburg eine jährliche Rente an Gelde aus dem Dorfe Tremmen, am 10. Juli 1380.

Wy Mathias unde Wilke, Wichard unde Bertram, Brudere, geheiten von Bredow, wonaſtig tu Bredow, bekennen etc. dat wy met vorbedachtem Mude eindrechtiglike verkoſt hebben unde verkopen by deſſen gegenwerdigen Brieffe den erbaren Mannen Hern Hentzen Proſte, Hern Bertrame Prior unde oren Nakomelingen unde deme Capittelle und den herren tu Brandenburg vierdehalf Punt unde drittein Penninge Brandenb. Penninge in der Beden in deme Dorpe tu Tremmen jerliker Renthe up tu börne up ſunthe Mertens Dag vor viſ unde drittich Marck Brandenb. Silvers, die ſie uns an reden Gelde vul unde all bereit unde betalett hebben unde wy in unſen From unde

Nutt gekehret und gebracht hebben, und wi seggen on und ohre Nakomelinge der vif und dritlich Marck von unfer und unfer Erven wegen quit, ledig und los mit dessen iegenwardigen Brive und wifen sie an die Lude in deme Dorpe tu Tremmen, die die vorschreven Vierdehalf Punt und drittein Penninge plichtich sin tu genen, datt sie en datt Geltt geven scholen. Ock rede wy und schalen die vorbenumeden Vierdehalf Punt und drittein Penninge laten vor unseme Herren den Marggrafen up der vorschreven Hern Hentzen Prostes, Hern Bertram Prior und ohren Nakomelinge und Capittels und Kerken tu Brandenburg Behuf und scholen schicken, dat unse Herre die Marggrafe die vierde half Punt und drittein Penninge eigene dem Proveste und Capitele und derselven Kerken tu Brandenburg binnen den nehsten Vierdel Jahres wan he tu Lande in die Marcke tu Brandenburg kumptt. Tu Orkunde und Tuge hebbe wy Matthias und Wilke von Bredow vorenant unse Ingefegle von unfer und von der vorschreven Wichardes und Bertrams, unfer Brüder, wegen met unfer aller Witschap und Willen an dessen Brieff gehangen, und wy Wichard und Bertram vorenant bekennen, dat Mathis und Wilke, unse vorbenumede Brudere, ore Ingefegle ock von unfer wegen met unfer Witschap und Willen an dessen Brieff hebben gehangen, und reden alle diese Stucken tu holdene under ohren Ingefegeln, wen wir selven nene Ingefegle hebben. Tuge deser Dinge findt die erbarn duchtigen Manne Her Peter Schenoke Riddere, Peter von Bredow, beseten tu Cremmen und Claws Staken, Borger in der Nienstad tu Brandenburg. Gegeuen tu Brandenburg, na Godes Bortt MCCCLXXX, des Dinfedages vor sunthe Margrethe Daghe der hilgen Jungfrawen.

Nach dem Copiaro des Domcapitels zu Brandenburg.

XVII. Dieselben verkaufen dem Capitel eine jährliche Geldrente aus dem Dorfe Pessin, am 10. August 1380.

Wy Mathis und Wilke, Wichard und Bertram, Brudere, geheiten von Bredow, wonefüg tu Bredow, bekennen etc. dat wy mett wolbedachtem Mude eindrechtiglike verkoft hebben und verkopen bi dessen iegenwardigen Brive den erbarn Mannen Hern Hentzen Proste, Hern Bertrame Prior und oren Nakomelingen und deme Capitele und der Kerken tu Brandenburg dry Punt Brandenburgischer Penninge in deme Tyuse und Beden in deme Dorpe tu Poffin jerliker Rente up tuborene up sunte Mertens Daghe vor dritlich Marck Brandenb. Silvers, die sie uns an reden Gelde vul und al bereit und betalett hebben, und wy in unserer From und Nutt gekehret und gebracht hebben. Und wie seggen en und oren Nakomelingen der dritlich Marck van unfer und van unfer Erven wegen quit, ledich und los mett disen jegenwordigen Brive und wifen sie an die Lude in deme Dorpe tu Poffin, die dy vorschreven dry Punt Penninge plichtich sin tu gevene, dat sie en datt Geltt geven scholen. Ock rede wy und scholen die vorbenumede dry Punt Brandenb Penninge laten vor unseme Hern, den Marggreven up der vorschreven Hern Hentzen Prostes, Hern Bertram Prioris und ohrer Nakomelinge und Capittels und der Kerken tu Brandenburg Behuf und scholen schicken, dat unse Herre, die Marggreve, die dry Punt Penninge eigene deme Proste und Capitele und derselven Kerken tu Brandenburg binnen den nehsten Verdell Jahres, wen he tu Lande in die Marcke tu Brandenburg kumptt. Tu Urkunde und Tuge hebbe wy Mathis und Wilke von Bredow vorenant, unse Ingefegle van unfer und van der vorschreven Wichardes und Bertrames